



27 Mei 2016
27 May 2016
P.U. (B) 264

WARTA KERAJAAN PERSEKUTUAN

FEDERAL GOVERNMENT GAZETTE

NOTIS PEMULAAAN PENYIASATAN BAGI PENENTUAN
LANGKAH PERLINDUNGAN MENGENAI KELUARAN
ROD DAWAI KELULI DAN BAR BEBUNGA DALAM
GEGELUNG YANG DIIMPORT KE DALAM MALAYSIA

*NOTICE OF INITIATION OF INVESTIGATION FOR THE
DETERMINATION OF SAFEGUARD MEASURE
WITH REGARD TO STEEL WIRE RODS AND DEFORMED
BAR IN COILS PRODUCTS IMPORTED INTO MALAYSIA*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PELINDUNG 2006

NOTIS PEMULAAAN PENYIASATAN BAGI PENENTUAN LANGKAH PERLINDUNGAN
MENGENAI KELUARAN ROD DAWAI KELULI DAN BAR BEBUNGA DALAM GEDELUNG
YANG DIIMPORT KE DALAM MALAYSIA

(SM 02/16)

MENURUT subseksyen 14(1) Akta Pelindung 2006 [*Akta 657*] dan peraturan 3 Peraturan-Peraturan Pelindung 2007 [*P.U. (A) 386/2007*], Kerajaan Malaysia telah menerima suatu petisyen yang meminta supaya suatu penyiasatan perlindungan dimulakan dan petisyen itu telah mengatakan bahawa peningkatan import keluaran rod dawai keluli dan bar bebunga dalam gedelung sebagaimana yang diperihalkan dalam perenggan 2 (“keluaran”) telah menyebabkan kemudaratan yang serius kepada industri dalam negeri di Malaysia yang mengeluarkan keluaran yang serupa.

Permintaan bagi penyiasatan

1. Permintaan itu telah dibuat oleh—

Malaysia Steel Association
Wisma Chinese Chamber
258, Jalan Ampang
Kampung Datok Keramat
55000 Kuala Lumpur
Malaysia,

pengeluar dalam negeri keluaran itu.

Keluaran

2. Keluaran di bawah penyiasatan ialah rod dawai keluli dalam aloi atau bukan aloi gulungan panas dan bar bebunga dalam gedelung, dalam gedelung belitan sekata atau tidak sekata, tidak termasuk rod dawai keluli dan bar bebunga dalam gedelung dengan kandungan karbon 0.60% atau lebih atau berdiameter lebih besar daripada 16.0 milimeter yang dikelaskan di bawah Kod Sistem yang Diharmonikan (Kod H.S.)

7213.10 000, 7213.91 000, 7213.99 000 dan 7227.90 000 dan Tatanama Tarif Berharmonis ASEAN (AHTN) 7213.10 00 00, 7213.91 10 00, 7213.91 20 00, 7213.91 90 00, 7213.99 10 00, 7213.99 20 00, 7213.99 90 00 dan 7227.90 00 00. Kod H.S. dan AHTN ini diberikan hanya untuk makluman dan tidak mempunyai kesan mengikat terhadap pengelasan keluaran itu.

Ringkasan peningkatan import keluaran

<i>Tempoh</i>	<i>Import (Tan Metrik)</i>
1 Oktober 2012 - 30 September 2013	786, 608
1 Oktober 2013 - 30 September 2014	1,069, 630
1 Oktober 2014 - 30 September 2015	1,316,350

3. Import keluaran itu ke dalam Malaysia telah meningkat sebanyak 35.98% daripada 786,608 tan metrik bagi tempoh mulai 1 Oktober 2012 hingga 30 September 2013 kepada 1,069,630 tan metrik bagi tempoh mulai 1 Oktober 2013 hingga 30 September 2014 dan seterusnya meningkat sebanyak 23.07% kepada 1,316,350 tan metrik bagi tempoh mulai 1 Oktober 2014 hingga 30 September 2015.

Ringkasan faktor bagi kemudaran yang serius

4. Mengenai aspek kemudaran yang serius, dokumen yang telah dikemukakan oleh pempetisyen telah menunjukkan bahawa kenaikan import keluaran itu telah menyebabkan kemudaran yang serius sebagaimana yang ditunjukkan melalui penurunan bahagian pasaran, jualan, pengeluaran, penggunaan kapasiti, keberuntungan dan produktiviti, aliran tunai negatif, dan pengurangan dalam penggajian dan gaji pekerjaanya.

Tatacara

5. (1) Setelah menentukan bahawa wujudnya keterangan yang mencukupi untuk mewajarkan suatu penyiasatan bagi penentuan langkah perlindungan mengenai

import keluaran itu ke dalam Malaysia, Kerajaan memulakan penyiasatan menurut subseksyen 14(1) Akta pada 29 Mei 2016.

(2) Penyiasatan itu akan menentukan sama ada terdapat kemudaran yang serius disebabkan oleh peningkatan import keluaran itu ke dalam Malaysia. Penyiasatan itu juga akan meneliti keperluan bagi langkah perlindungan mengenai import keluaran itu ke dalam Malaysia.

Soal selidik

6. Bagi mendapatkan maklumat yang disifatkan perlu bagi penyiasatannya, Kerajaan akan mengagihkan soal selidik kepada pihak berkepentingan. Jika perlu, pihak berkepentingan itu boleh memohon bagi suatu salinan soal selidik itu dengan mengenal pasti jenis aktiviti perniagaan mereka berhubung dengan penyiasatan ini.

Pengumpulan maklumat

7. Semua pihak berkepentingan diundang untuk memberikan pandangan mereka secara bertulis, khususnya dengan menjawab soal selidik yang dialamatkan kepada mereka dan dengan mengemukakan keterangan menyokong.

Had masa

8. (1) Mana-mana pihak berkepentingan yang ingin meminta sesuatu soal selidik hendaklah berbuat demikian tidak lewat daripada lima belas hari selepas penyiaran notis ini dalam *Warta*.

(2) Semua pihak berkepentingan mestilah mengemukakan pandangan mereka secara bertulis dan mengemukakan jawapan bagi soal selidik dalam masa tiga puluh hari dari tarikh penyiaran notis ini jika pandangan dan pengemukaan itu hendak diambil kira semasa penyiasatan, kecuali dinyatakan sebaliknya.